

starogradski

hakeri

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

BESPLATAN PRIMJERAK •
JANUAR, 2026., broj 65.



**STARI GRAD 365: STOTINE
REALIZOVANIH OBEĆANJA
GRAĐANIMA**

Godina rada i rezultata

PREZENTOVANE STOTINE ISPUNJENIH OBEĆANJA U STAROM GRADU TOKOM 2025. GODINE

Na prijemu povodom godišnjeg izvještaja Općine Stari Grad Sarajevo za 2025. godinu, pod nazivom „Stari Grad 365“, predstavljeni su rezultati rada u godini koju je obilježilo intenzivno provođenje strateških ciljeva i konkretnih projekata na terenu. Načelnik Općine Irfan Čengić istakao je da iza Starog Grada stoji godina posvećenog rada, stabilizacije i realizacije obećanja datih građanima. Od prvog dana mandata, naglasio je Načelnik, fokus nije bio na velikim obećanjima, već na uspostavljanju reda, odgovornog upravljanja i kontinuiranog rada u interesu zajednice, nakon perioda haosa i finansijske nestabilnosti.

„Od prvog dana mandata nismo davali velika obećanja. Dali smo jedno, da ćemo vrijedno raditi i uspostaviti red u Starom Gradu. To obećanje je i danas osnova svakodnevnog rada Općine. Stabilizovali smo finansije, vratili višemilionske dugove bez novih kreditnih zaduženja i stvorili temelje za velike projekte koji tek slijede.“ - Irfan Čengić, načelnik Općine Stari Grad Sarajevo





FOKUS NA TRI STRATEŠKA CILJA

U 2025. godini Općina Stari Grad je svoje aktivnosti usmjerila na ostvarivanje tri ključna strateška cilja: unapređenje konkurentnosti privrede i povećanje zaposlenosti, razvoj prosperitetnog i inkluzivnog društva te odgovorno upravljanje infrastrukturom, prostorom i okolišem. Zahvaljujući stabilizaciji finansija i vraćanju višemilionskih dugova bez novog kreditnog zaduženja, stvoreni su čvrsti temelji za nastavak velikih kapitalnih projekata. Općina danas raspolaže strateškim planom do 2027. godine, jasno definisanim ciljevima, spremnim projektima i snažnom podrškom građana.



Događaji koji okupljaju



OTVORENA ZIMSKA ČAROLIJA U STAROM GRADU

Tri atraktivne lokacije, besplatni sadržaji i velika posjećenost obilježili su praznike i ulazak u 2026. godinu, dok je Stari Grad Sarajevo i ove zime bio središte praznične radosti, muzike i druženja. Manifestacija Old Town Fairy Tale svečano je ot-

vorena uz odličnu atmosferu i koncert benda Dernex, čime je započela višednevna zimska čarolija koja je ispunila ulice Starog Grada svjetlima, mirisima i osmijesima. Od 22. decembra do 3. januara, Stari Grad je živio punim plućima, nudeći

bogat program za sve generacije, domaće posjetioce i brojne turiste. Tri pažljivo osmišljene lokacije pretvorene su u bajkovite prostore koji su spojili zabavu, gastronomiju, muziku i porodični ugođaj.





PORODIČNI SADRŽAJI I RADOST ZA NAJMLAĐE

Poseban akcenat manifestacije Old Town Fairy Tale stavljen je na porodične i dječije sadržaje. Na klizalištu na Trgu oslobođenja – Alija Izetbegović upriličen je bogat dječiji program pod nazivom „Family Day by Violeta“, koji je okupio veliki broj djece i roditelja. Uz omiljene maskote Medu i Irvasa, kao i popularne likove Stitcha i Angel, najmlađi su uživali u animacijama, facepaintingu i modeliranju balona. Klizalište je tog dana pretvoreno u pravu zimsku bajku, ispunjenu smijehom i dječijom radošću.



ZIMSKA RADOST SE NASTAVLJA

Iako je manifestacija Old Town Fairy Tale završena početkom januara, zimska radost u Starom Gradu se nastavlja. Besplatno klizalište na Trgu oslobođenja – Alija Izetbegović ostaje otvoreno do kraja mjeseca, pružajući priliku građanima i posjetiocima da i dalje uživaju u zimskom ambijentu u samom srcu grada.

Pred Starim Gradom je godina ispunjena kulturnim, zabavnim i sportskim događajima, ulicama punim osmijeha i novim ulaganjima koja će ovu historijsku općinu učiniti još ljepšim mjestom za život i posjetu.



Događaji koji okupljaju

ULAZAK U 2026. UZ MUZIKU, ZAJEDNIŠTVO I REKORDNU POSJEĆENOST

Uz svjetla, muziku i prepune ulice Starog Grada, praznična atmosfera nastavljena je i u prvim danima nove godine. Koncerti na Trgu Prve brigade policije kod Vijećnice tokom prva tri dana 2026. godine, kao i završnica festivala Old Town Fairy Tale, obilježili su ulazak u novu godinu u znaku zajedništva i dobre energije. Trodnevni novogodišnji muzički spektakl završen je 3. januara 2026. godine nastupom legendarnog rock benda Van Cogh, čiji je koncert privukao veliki broj posjetilaca. Prije njih nastupili su Letu Štuke i Petar Grašo, čime je muzički program obuhvatio različite muzičke žanrove i generacije.

Događaj je organizovan u okviru zimskog programa Visit Sarajeva, uz podršku Općine Stari Grad Sarajevo.





NAČELNIK ČENGIĆ OBIŠAO SVE STAROGRADSKE MJESNE ZAJEDNICE


U cilju transparentne i inkluzivne pripreme Budžeta Općine Stari Grad Sarajevo za 2026. godinu, načelnik Općine Irfan Čengić obišao je svih 16 starogradskih mjesnih zajednica, čime je zaključen sveobuhvatan proces konsultacija sa savjetima mjesnih zajednica i građanima.

Tokom terenskih obilazaka predstavljeni su brojni realizovani projekti i radovi na području općine, među kojima su sanacije lokalnih saobraćajnica, izgradnja potpornih zidova, uređenje stepeništa, kao i druge komunalne intervencije od značaja za svakodnevni život građana.

Članovi savjeta mjesnih zajednica tom prilikom iznijeli su konkretne prijedloge i potrebe svojih lokalnih zajednica, od kojih je značajan broj već uvršten u planirane budžetske stavke za narednu godinu. Na ovaj način, proces planiranja budžeta dodatno je osnažen direktnim učešćem građana i njihovih predstavnika.

DIREKTNI RAZGOVORI UOČI IZRADE BUDŽETA

Budžet za 2026. godinu temelji se na stvarnim potrebama mjesnih zajednica i direktnim razgovorima s građanima. Predloženi Budžet Općine Stari Grad Sarajevo za 2026. godinu je uravnotežen i usmjeren na infrastrukturne i razvojne projekte, unapređenje komunalnih usluga, jačanje socijalnih politika, kao i na odgovorno upravljanje finansijama kroz vraćanje naslijeđenih dugova. Ovakav pristup, kako ističu iz Općine, predstavlja nastavak prakse otvorene komunikacije i partnerstva s građanima, s ciljem ravnomjernog razvoja svih dijelova Starog Grada.



Aktuelno iz Općine



USPOSTAVLJEN NOVI OPERATIVNI CENTAR CIVILNE ZAŠTITE STARI GRAD

U okviru kontinuiranih aktivnosti Općine Stari Grad Sarajevo na jačanju kapaciteta službi civilne zaštite i Gorske službe spašavanja (GSS), održana je sjednica Štaba civilne zaštite Općine Stari Grad, tokom koje je otvoren novi Operativni centar Civilne zaštite.

Otvaranjem Operativnog centra stvoreni su uslovi za efikasnije upravljanje vanrednim situacijama, bržu koordinaciju nadležnih službi i pravovremeno informisanje stanovništva. Načelnik Općine Stari Grad Irfan Čengić istakao je da je civilna zaštita na području Starog

Grada godinama bila zapostavljena i neadekvatno korištena, te da su u proteklom periodu realizovana ulaganja u vrijednosti od više miliona konvertibilnih maraka. Naglasio je da će Općina i u narednom periodu nastaviti s jačanjem kapaciteta Civilne zaštite.





ZNAČAJNA ULAGANJA U SIGURNOST

U protekle dvije godine Općina Stari Grad uložila je značajna finansijska sredstva u jačanje sistema civilne zaštite. Fokus ulaganja bio je na uspostavljanju funkcionalnog i savremenog sistema zaštite i spašavanja. Ovaj pristup predstavlja dugoročno opredjeljenje za veću sigurnost građana Starog Grada.



URUČENA VOZILA I OPREMA ZA GSS I JKP OSG, SLUŽBE CIVILNE ZAŠTITE STAROG GRADA

U okviru kontinuiranih aktivnosti Općine Stari Grad Sarajevo na jačanju kapaciteta službi civilne zaštite i Gorske službe spašavanja (GSS), uručena su nova vozila za potrebe službi zaštite i spašavanja. Isporučena su dva quada za potrebe Gorske službe spašavanja Trebević (GSS), kao i dva terenska vozila za potrebe JKP „OSG“ d.o.o., čime se dodatno unapređuje operativna spremnost službi u hitnim situacijama i na nepristupačnim terenima.

Ova ulaganja predstavljaju dio šire strategije Općine Stari Grad Sarajevo da unaprijedi sigurnost građana i osigura efikasno djelovanje svih službi civilne zaštite u kriznim situacijama, posebno na nepristupačnim terenima koji su karakteristični za Stari Grad.



Intervju s direktorom JKP Općine Stari Grad Rusmirom Jašarevićem



PRIHODI JKP OSG U 2025. GODINI IZNOSILI PREKO 4 MILIONA KM

Milioni maraka koji su završavali u privatnim džepovima sada su uloženi u razvoj Starog Grada

Kako biste ocijenili poslovnu godinu JKP Općine Stari Grad Sarajevo?

Prethodnu poslovnu godinu ocjenjujem kao izuzetno izazovnu i vrlo dinamičnu. Kao novoosnovana firma, koja je faktički započela poslovanje od nule, suočili smo se s brojnim izazovima i zadacima s ciljem uspostavljanja poslovnih procesa, efikasne organizacije poslovnih aktivnosti te postavljanja stabilnih i održivih temelja za budući rast i razvoj poslovanja.

U moru javnih preduzeća koja negativno posluju, naše tek osnovano preduzeće već drugu godinu uzastopno će uplatiti dobit u budžet Općine, što pokazuje da opravdavamo svoju svrhu.

Koje biste projekte i aktivnosti izdvojili kao najznačajnije u protekloj godini?

Tokom 2025. godine, pored javne podzemne garaže, otvoreno

je pet novih parking-prostora, te je uspostavljen sistem upravljanja parkinzima „uz ulicu“. Paralelno s tim, uspostavljen je kompletan sistem uslužnih djelatnosti, čime je JKP OSG d.o.o. Sarajevo osposobljeno za nesmetano obavljanje



komunalnih poslova, zanatskih radova, kao i postavljanje vertikalne i horizontalne saobraćajne signalizacije i drugih srodnih aktivnosti. Uslužni sektor i ljudstvo opremljeni su svim neophodnim alatima i uniformama, a realizovano je i kompletno brendiranje svih lokacija i pozicija kojima upravlja JKP OSG d.o.o. Sarajevo. Kao jedan od najznačajnijih projekata u 2025. godini izdvaja se implementacija „smart parking sistema“. JKP OSG d.o.o. Sarajevo prvo je preduzeće u Bosni i Hercegovini koje je uvelo parking-prostore na kojima se plaćanje vrši isključivo bezgotovinski, putem bankovnih kartica i savremenih cashless tehnologija.

S kojim ste se izazovima suočili i na koji način su oni prevaziđeni?

Upravljanje i vođenje preduzeća u savremenom poslovnom okruženju predstavlja značajan izazov. Realni sektor suočava se s brojnim preprekama, pri čemu je

pronalaženje i zadržavanje kvalitetnog kadra — imajući u vidu da su ljudski resursi najvredniji kapital svake firme — jedan od najvećih izazova današnjice. Strateškim pristupom, jasno definisanom vizijom i precizno postavljenim ciljevima, prethodnu poslovnu godinu smo, korak po korak, priveli kraju na uspješan i stabilan način.

JKP je godinu završilo s dobiti – šta to konkretno govori o stanju preduzeća danas?

Jedan od ključnih ciljeva koje sam postavio po preuzimanju rukovodeće funkcije u JKP OSG d.o.o. bio je uspostavljanje stabilnog i samoodrživog sistema, sposobnog da iz vlastitih sredstava redovno izmiruje sve obaveze, generiše novu vrijednost i obezbijedi sredstva za buduće investicije. Istovremeno, cilj je bio da JKP OSG d.o.o. u potpunosti opravda svoje postojanje i svrhu prema Općini Stari Grad, kao osnivaču preduzeća, kroz plaćanje mjesečnog najma za dodjeljene parking pozicije i prostore, ostvarenu dobit kao dividendu prema osnivaču i realizaciju svih vrsta radova za potrebe Općine. Zvanični finansijski izvještaj na dan 31.12.2025. godine jasno će potvrditi kvalitet poslovanja JKP OSG d.o.o., kao i činjenicu da je u navedenom periodu ostvarena značajna poslovna dobit.

Kako je organizovano upravljanje javnim parkinzima na području Općine Stari Grad?

Trenutno upravljanje parking-pozicijama je djelimično u nadležnosti KJKP RAD-a, a djelimično JKP OSG d.o.o. Također, značajan broj parking-pozicija u ulicama Općine trenutno nije dodijeljen nijednom upravljaču. Ovaj nedostatak nastojimo otkloniti kroz dopune saobraćajnih elaborata i izradu dodatnih stručnih studija, s ciljem da se i na tim lokacijama, putem adekvatne vertikalne i horizontalne saobraćajne signalizacije, uspostave jasno i pravilno označene parking-pozicije.

JKP Općine Stari Grad Sarajevo najbolji je dokaz da je nužno provesti presudu Ustavnog suda Federacije Bosne i Hercegovine i vratiti upravljanje javnim parkinzima u nadležnost lokalnih zajednica. Parkinzi kojima upravlja JKP OSG danas su znatno organizovaniji, efikasniji i ekonomičniji, uz veći stepen transparentnosti i ostvarivanje značajno većih prihoda u odnosu na parkinge koje je neustavno uzurpirao KJKP RAD.

Koliko trenutno parking prostora i parking-mjesta je u nadležnosti JKP Općine Stari Grad Sarajevo?

JKP "OSG" d.o.o. Sarajevo trenutno upravlja sa ukupno pet parking prostora na području Općine Stari Grad Sarajevo. Riječ je o Javnoj podzemnoj garaži, parking prostorima Trg Austrije, Dom Oružanih snaga, Telali i Sagrdžije.

Pored toga, preduzeće upravlja sa 391 parking-mjestom koja su građanima Općine Stari Grad Sarajevo dostupna za mjesečni najam. Na ovaj način osiguravamo kontinuiranu i uređenu uslugu za stanovnike, ali i stabilan i transparentan izvor prihoda za preduzeće, koji se kroz budžet Općine ponovo vraća građanima kroz različite projekte i javne potrebe.

Koji su efekti unaprijeđenog upravljanja parking prostorima – i za građane i za budžet preduzeća?

Odgovorno upravljanje, kao i jasno definisan sistem izdavanja i korištenja parking-mjesta, značajno su olakšali građanima posjedovanje vlastitog parking-prostora. Povratne informacije s terena ukazuju na to da građanima nikada do sada nije bilo jednostavnije i uređenije koristiti vlastiti parking na javnim površinama.

S druge strane, ovaj segment poslovanja predstavlja i značajan iz-

vor prihoda za preduzeće, pri čemu se ostvarena finansijska sredstva usmjeravaju u budžet Općine te se kroz različite projekte i aktivnosti ponovo vraćaju građanima.

JKP je uvelo cashless sistem naplate – kako su građani reagovali na ovu novinu?

Moram istaći da je prilikom implementacije ovog sistema naplate postojala određena doza opreza, s obzirom na činjenicu da je JKP OSG d.o.o. prvo preduzeće u Bosni i Hercegovini koje je uvelo ovakav model naplate parkinga. Kao pioniri u ovoj oblasti, bili smo svjesni da ćemo se prvi suočiti s reakcijama i percepcijom javnosti nakon početka primjene sistema.

Međutim, povratne informacije građana, a naročito stranih posjetilaca Općine, pokazale su da je sistem vrlo brzo prihvaćen. Korisnici su u kratkom roku prepoznali njegove prednosti, jer je sistem precizan, brz, efikasan i jednostavan za korištenje, uz minimalnu mogućnost bilo kakvih nepravilnosti ili oštećenja korisnika.

Koje su prednosti ovog sistema u smislu transparentnosti i efikasnosti rada?

Sam sistem ima višestruke prednosti. Eliminirana je potreba za upravljanjem gotovinskim sredstvima, njihovim transportom i brojanjem, kao i za obezbjeđivanjem sitnog novca. Sistem automatski omogućava visok stepen kontrole naplate i rada parkinga, smanjujući mogućnost grešaka, prevare ili manipulacije od strane zaposlenih. Menadžment preduzeća putem pratećeg softvera u svakom trenutku raspolaže preciznim pokazateljima rada parkinga, stepena iskorištenosti kapaciteta i ostvarenih prihoda.

Da li je cashless sistem doprinio većoj kontroli prihoda i smanjenju troškova?

Cashless sistem omogućava kontinuirano praćenje iskorištenosti parkinga, ostvarenih prihoda, kao i različitih statističkih i



Intervju s direktorom JKP Općine Stari Grad Rusmirom Jašarevićem

uporednih podataka u odnosu na raniji period. Upravljanje parking-prostorima putem ovog sistema zahtijeva znatno manji angažman ljudskih resursa i smanjuje ovisnost o ljudskom faktoru, što direktno doprinosi smanjenju troškova rada.

Iako sistem značajno smanjuje potrebu za stalnim prisustvom zaposlenih na parking-prostorima, važno je napomenuti da broj zaposlenih nije smanjen. Naprotiv, kroz različite aktivnosti našeg uslužnog sektora, zaposleni su preusmjereni na druge korisne poslove unutar firme, čime se dodatno povećava produktivnost i efikasnost poslovanja.

U proteklom periodu nabavljena je nova mehanizacija – šta je sve kupljeno i za koje namjene?

JKP OSG d.o.o. je tokom 2025. godine, kroz vlastite investicije i kao služba za zaštitu i spašavanje Općine Stari Grad, kontinuirano ulagalo u mašine, alate, opremu i obuku zaposlenih. Među značajnijim investicijama u okviru mehanizacije izdvajamo dva multifunkcionalna ATV vozila, pogodna za zimsko i ljetno čišćenje, jednu multifunkcionalnu mašinu za čišćenje te dva transportna vozila za prevoz ljudi i opreme koji su nabavljeni za potrebe JKP kao službe za zaštitu i spašavanje.

Druga polovina 2025. godine, kao i početak tekuće godine, već su pokazali višestruku korist od ovih ulaganja. Aktivnosti mašina na terenu jasno demonstriraju da ulaganja u mehanizaciju donose značajne benefite za građane naše Općine, poboljšavajući efikasnost komunalnih usluga.

Koliko je ulaganje u opremu unaprijedilo kvalitet usluga koje JKP pruža građanima?

Sama činjenica da je JKP OSG d.o.o. tokom posljednjih snježnih padavina uspio očistiti i pristupiti 80–90 padinskih ulica, koje se ranije rijetko ili nikada nisu čistile na ovaj način, te da je bio u mogućnosti reagovati na velik broj urgentnih situacija, uključujući pomoć starijim, bolesnim i trudnicama, dovoljno govori o kvalitetu i efikasnosti naše opreme. Također, naši parking-prostori su moderni i brendirani u skladu s najnovijim evropskim trendovima, što u konačnici rezultira vrhunskom uslugom za korisnike i unapređuje ukupni imidž preduzeća.

JKP je proširilo ili planira proširiti djelatnosti – o kojim uslugama je riječ?

Naredni iskorak JKP OSG d.o.o. u bliskoj budućnosti odnosi se na segment turizma. Planiramo obogatiti ponudu u ovom sektoru, a

prvi projekat koji namjeravamo realizovati je preuzimanje upravljanja Bijelom tabijom na Vratniku. Također, u planu su značajne nove aktivnosti u oblastima turizma, marketinga i ugostiteljstva. Sve ove aktivnosti realizujemo postupno, korak po korak, kako bismo osigurali kvalitet i održivost svake inicijative tako da više detalja o ovoj temi unekim narednim izdanjima našeg Habera.

Koje biste konkretne finansijske pokazatelje izdvojili kao dokaz pozitivnog poslovanja?

U 2025. godini JKP OSG d.o.o. zabilježilo je značajan rast prihoda i dobiti. Firma iz svojih vlastitih sredstava odmah izmiruje sve obaveze i ne koristi vanjske izvore finansiranja, čime je potpuno samoodrživa. Ukupni prihodi za 2025. godinu premašili su 4 miliona KM, dok je neto dobit iznosila preko 1 milion KM, što će potvrditi i zvanični finansijski izvještaj za ovu godinu.

Ponosan sam što smo u vrlo kratkom vremenskom periodu izgradili profitabilnu i samoodrživu firmu koja generiše značajne prihode, finansira vlastite aktivnosti i investicije, te kroz razne aktivnosti, dividende i mjesečne zakupe obezbjeđuje povrat investicija Općini Stari Grad, kao osnivaču preduzeća.

JAVNA PODZEMNA GARAŽA – RAST PRIHODA

Primjer odgovornog i efikasnog upravljanja javnom imovinom posebno je vidljiv kroz kontinuirani rast prihoda Javne podzemne garaže:

- 2022. godina: 661.000 KM
- 2023. godina: 893.000 KM
- 2024. godina: 1,41 milion KM
(JKP "OSG" d.o.o. Sarajevo preuzima upravljanje u julu 2024.)
- 2025. godina: 1,79 miliona KM

Ovakav trend jasno potvrđuje unapređenje operativnog upravljanja, veću efikasnost poslovanja i snažan finansijski efekat preuzimanja i optimizacije rada Javne podzemne garaže.



CIVILNA ZAŠTITA I JKP OSG: ČIŠĆENJE SNIJEGA U SVIM MAHALAMA, OD VRATA DO VRATA


Iako je za poslove zimskog održavanja saobraćajnica na području Starog Grada nadležno i ugovorom obavezano KJKP „Rad“ d.o.o. Sarajevo, ekipe Civilne zaštite Općine Stari Grad Sarajevo, zajedno sa JKP Općine Stari Grad, bile su tokom intenzivnih snježnih padavina sredinom januara neprekidno angažovane na terenu.

Službe su bile raspoređene po mjesnim zajednicama i djelovale u skladu sa zaprimljenim zahtjevima građana, s ciljem ublažavanja posljedica obilnih padavina i osiguranja sigurnosti i prohodnosti. Aktivnosti su obuhvatale mašinsko i ručno čišćenje ulica, trotara i stepeništa, s posebnim fokusom na kritične i teško pristupačne lokacije.



ODRŽANI SASTANCI POVODOM ZIMSKOG ČIŠĆENJA

Tim povodom, u periodu intenzivnih snježnih padavina, održano je više sastanaka sa direktorom i rukovodstvom KJKP „Rad“, na kojima su razmatrane informacije i konkretni zahtjevi sa terena, s ciljem unapređenja koordinacije i efikasnijeg provođenja aktivnosti zimskog čišćenja. Uprkos činjenici da čišćenje snijega nije u nadležnosti Općine, zbog potrebe zaštite sigurnosti građana, u aktivnosti su se prioritarno uključile službe Civilne zaštite Općine Stari Grad i JKP Općine Stari Grad, koje su angažovale ljudstvo i mehanizaciju, uz podršku uposlenika Općine.



Aktuelno iz Općine



NAČELNIK ZAHVALIO PRIPADNICIMA CIVILNE ZAŠTITE

Načelnik Općine Stari Grad Sarajevo Irfan Čengiđ, zajedno sa predsjedavajućim i dopredsjedavajućim Općinskog vijeća te vijećnicima Seidom Škaljićem, Kerimom Smailbegovićem, Selvirom Vilićem i Alijom Begićem, uputio je zahvalnost svim službama Civilne zaštite i svim akterima uključenim u zimsko održavanje na predanom i neprekidnom radu tokom proteklih dana. Tom prilikom naglašeno je da su sigurnost građana i prohodnost ulica apsolutni prioritet Općine Stari Grad Sarajevo.

Općina Stari Grad Sarajevo i ove godine osigurava finansijska sredstva Općini Istočni Stari Grad u svrhu čišćenja padinsko-rubnih lokaliteta na entitetskoj liniji, kako bi se osigurala prohodnost i sigurnost stanovništva.

Dodatno, Vlada Federacije Bosne i Hercegovine, putem Federalnog ministarstva raseljenih osoba i izbjeglica, pružit će podršku Općini Stari Grad u angažmanu dodatnih kapaciteta u povratničkim naseljima, s ciljem prevazilaženja trenutnih izazova u tim sredinama.





POTPISAN SPORAZUM O SUFINANSIRANJU SANACIJE KLIZIŠTA NA LOKALITETU CURINE NJIVE

U Općini Stari Grad Sarajevo potpisan Sporazum o sufinansiranju projekta „Radovi na sanaciji klizišta na lokalitetu Curine njive – Istočni Stari Grad“, koji se realizuje u okviru kapitalnog transfera Gradu i općinama. Sporazum su potpisali načelnik Općine Stari Grad Sarajevo Irfan Čengić, ministar komunalne privrede, infrastrukture, prostornog uređenja i zaštite okoliša Kantona Sarajevo Mladen Pandurević te direktorica Zavoda za izgradnju Kantona Sarajevo Belma Barlov. Sporazum se odnosi na sanaciju klizišta na lokalitetu Curine njive – Istočni Stari Grad, u skladu s Glavnim projektom sanacije klizišta koji je izradio Univerzitet u Sarajevu – Građevinski fakultet, Institut za geotehni-

ku i geologiju. Radi se o prvoj fazi projekta, koja podrazumijeva odvoz materijala sa dvije deponije, čime se stvaraju preduslovi za nastavak radova i dugoročno stabiliziranje terena. Za realizaciju ovog projekta Ministarstvo komunalne privrede, infrastrukture, prostornog uređenja i zaštite okoliša KS osiguralo je 600.000 KM.




SPORAZUMI O SUFINANSIRANJU PROJEKATA “PAJE-BEGOVAC” I RASVJETE U MZ MJEDENICA

U Ministarstvu privrede, infrastrukture, prostornog uređenja, građenja i zaštite okoliša Kantona Sarajevo, načelnik Općine Stari Grad Sarajevo Irfan Čengić potpisao je sporazume o realizaciji dva projekta na području općine. Prvi Sporazum je za sufinansiranje projekta izvođenja radova na izgradnji separate kanalizacione mreže i izmještanju vodovodne mreže u dijelu ulice Paje (od broja 34 do 88 te od 32 do 62) i dijelu ulice Begovac, uz izmještanje gasne i elektroenergetske mreže, te asfaltiranje. Drugi Sporazum podrazumijeva sufinansiranje projekta rekonstrukcije i proširenje javne rasvjete u mjesnoj zajednici Mjedenica.




Novi projekti

PREDSTAVLJENO IDEJNO RJEŠENJE UREĐENJA ARHELOŠKOG LOKALITETA ISA-BEGOVE ZAVIJE

U Općini Stari Grad Sarajevo održan je sastanak na kojem je Reisu-l-ulemi Huseinu ef. Kavazoviću predstavljeno idejno rješenje prezentacije arheološkog lokaliteta nekadašnje tekije Isa-begove zavije koja je bila smještena na istočnom ulazu u grad Sarajevo na Bentbaši.

Općina Stari Grad, u saradnji s Islamskom zajednicom u Bosni i Hercegovini, planira očuvati i prezentirati ostatke zida koji je pripadao kompleksu Isa-begove zavije te uspostaviti muzej posvećen Isa-begu Ishakoviću, osnivaču Sarajeva i utemeljitelju njegove bogate vakufske tradicije. Sastanku su pristvovali načelnik Irfan Čengić, predsjedavajući Općinskog vijeća Stari Grad Sarajevo Seid Škaljić, sekretarka Općinskog organa uprave Adela Plakalo, direktorica Muzeja Sarajeva Indira Kučuk-Sorguč, direktor Vakufske direkcije Sarajevo Senaid Zaimović, te šef Kancelarije Reisu-l-uleme Rifat Fetić.



IZDATA URBANISTIČKA DOZVOLA ZA BISTRičKU KULU I RASPISAN TENDER ZA GLAVNI PROJEKAT

U Općini Stari Grad Sarajevo održan je sastanak povodom projekta obnove Astronomskog observatorija i Bistričke kule. Radi o projektu od izuzetnog značaja, ne samo za Općinu i Grad Sarajevo, već i za cijelu državu, s obzirom na to da je Bosna i Hercegovina jedina država u regionu koja trenutno nema astronomski observatorij. Projekat obnove Astronomskog observatorija podrazumjeva obnovu i Bistriku kule i zvjezdarnice, Općina Stari Grad Sarajevo vodi aktivnosti na izgradnji Bistriku kule dok će projekat obnove objekta zvjezdarnice voditi Grad Sarajevo.

NAČELNIK ČENGIĆ OBIŠAO LOKACIJU IZGORJELOG PLANINARSKOG DOMA BUKOVIK

Načelnik Općine Stari Grad Sarajevo, Irfan Čengić, posjetio je lokaciju izgorjelog Planinarskog doma Bukovik, koji je nedavno u potpunosti uništen u požaru.

Načelnik je prisustvovao akciji čišćenja preostalih materijala i ruševina zajedno s članovima i rukovodstvom Planinarskog društva Bukovik, te razgovarao o narednim koracima u procesu obnove.

Načelnik Čengić je najavio punu podršku Općine obnovi doma:

„Novi Planinarski dom Bukovik gradit će se na mjestu objekta koji je ranije uništen i zapaljen u

ratu. Nakon što Zavod za planiranje razvoja Kantona Sarajevo i druge institucije dostave stručno mišljenje i budu ispunjeni svi uslovi za izdavanje građevinske dozvole, Općina će podržati proces njegove obnove,“ istakao je načelnik Čengić.

NASTAVAK ULAGANJA U ŠKOLSKE OBJEKTE

Počeli su radovi na sanaciji vanjske stolarije na Osnovnoj školi „Vrhbosna“, čime će se unaprijediti energetska efikasnost objekta, ali i ukupni uslovi boravka za učenike i nastavno osoblje. U ovoj školi istovremeno su u toku i radovi na rekonstrukciji školskog igrališta, koje će nakon završetka pružiti sigurniji i kvalitetniji prostor za igru i sportske aktivnosti. Također, nedavno su počeli i radovi na sanaciji toaleta u Osnovnoj školi „Mula Mustafa Bašeskija“, s ciljem poboljšanja higijenskih uslova i stvaranja dostojnijeg i funkcionalnijeg školskog ambijenta za učenike.



Završeni projekti



OBNOVA ŠKOLE NA DRVENIJI

U JU Srednja škole poljoprivrede, prehrane, veterine i uslužnih djelatnosti Sarajevo, svečano je obilježen završetak infrastrukturnog projekta obnove ovog obrazovnog objekta u samom središtu grada. Svečanosti je prisustvovao i načelnik Općine Stari Grad Sarajevo, Irfan Čengić, zajedno s predstavnicima Vlade Kantona Sarajevo, Ministarstva za odgoj i obrazovanje Kantona Sarajevo i Grada Sarajeva. Ovim projektom izvršena je potpuna zamjena stolarije i značajno je poboljšana energetska efikasnost objekta, čime su stvoreni bolji uslovi za nastavu i boravak učenika i nastavnika.

UREĐENJE DONJEG TOKA BISTRIČKOG POTOKA

U toku 2024. godine, te djelimično u toku 2025. godine, Općina Stari Grad Sarajevo realizovala je radove na čišćenju i uređenju donjeg toka Bistričkog potoka u naselju Boguševac, s ciljem sanacije devastiranih obala i obezbjeđenja nesmetane protočnosti vodotoka. Radi se o dionici Bistričkog potoka u otvorenom vodotoku unutar naselja Boguševac, počev od ulivne građevine ispod ulice Krka, zatim dijelom ispod ulice Desete brdske brigade i Boguševac čikme, te ispod ulice Boguševac, sve do mosta, odnosno sportskog igrališta.



SANACIJA ULICE ŠKALJIN SOKAK

Stanovnici dijela ulice Škaljin sokak godinama su se suočavali s problemima u vodosnabdijevanju, koji su ovim projektom uspješno riješeni. Nakon rekonstrukcije cjevovoda i kućnih priključaka, u saradnji s KJKP „Vodovod i kanalizacija“ Sarajevo, završena je i sanacija dijela ulice.

Radovi su finansirani iz budžeta Općine Stari Grad Sarajevo i realizirani su u skladu s planom održavanja i Programom rekonstrukcije saobraćajnica, iako ovo tehnički nije nadležnost Općine. Zbog nereagovanja drugih institucija, Općina istovremeno radi na rješavanju problema kanalizacije i u ulicama Tabijska i Bakije sokak.



SANACIJA STEPENIŠTA

U periodu od oktobra do decembra realizirana je sanacija stepeništa u ulicama Pehlivanuša i Ulomljenica na području Općine Stari Grad Sarajevo. Radovi su provedeni u skladu s Godišnjim planom i programom održavanja i zaštite, s ciljem povećanja sigurnosti i unapređenja funkcionalnosti kretanja građana.

U ulici Pehlivanuša izvršena je sanacija stepeništa i asfaltiranje dijela ulice, dok je u ulici Ulomljenica, nakon završetka radova na vodovodnoj mreži, provedena potpuna sanacija stepeništa, čime su značajno poboljšani uslovi kretanja u ovom dijelu općine.



UREĐENJE PLATOVA I SADNJA STABALA NA ŽUTOJ TABIJI

Uz podršku Općine Stari Grad Sarajevo završeni su radovi na hortikulturnom i ambijentalnom uređenju platoa Žute tabije, jednog od najznačajnijih kulturno-historijskih lokaliteta Sarajeva. Radovi su realizirani u skladu s pozitivnim mišljenjima nadležnih institucija i važećim mjerama zaštite nacionalnog spomenika.

Projektom su definirane pješačke staze i platoi, izvršeno hortikulturno oplemenjivanje prostora te očuvane autentične vizure prema gradu. Uklanjanje ranije oštećenih i bolesnih stabala provedeno je isključivo radi sigurnosti posjetilaca, uz već započet proces zamjenske sadnje. Općina Stari Grad nastavlja pružati podršku projektima koji doprinose očuvanju kulturne baštine i unapređenju javnih prostora.



Završeni projekti

AKCIJA ČIŠĆENJA SLIVNIH REŠETKI U STAROM GRADU

U Starom Gradu završena je akcija čišćenja slivnih rešetki na više lokacija. Aktivnosti su proveli uposlenici Općine Stari Grad Sarajevo i Javnog komunalnog preduzeća "Općine Stari Grad" Sarajevo kao preventivnu mjeru zbog najavljenih padavina, s ciljem sprečavanja začepljenja i eventualnog zadržavanja vode na kolovozima.

Ekipe je na terenu uklanjala lišće, smeće i druge naslage koje mogu ometati normalan protok oborinskih voda. Redovno održavanje slivnika posebno je važno u jesenjem periodu, kada su padavine učestalije, a veća količina otpalog lišća može izazvati probleme u odvodnji.



REALIZOVAN PROJEKAT INTERAKTIVNIH TURISTIČKIH MAPA SARAJEVA

U Općini Stari Grad Sarajevo uspješno je realizovan projekat Interaktivnih turističkih mapa Sarajeva, čime je napravljen značajan iskorak u digitalizaciji i unapređenju turističke ponude glavnog grada. U okviru projekta obnovljeno je 15 postojećih, a ukupno je postavljeno 20 modernizovanih turističkih informativnih tabli na strateškim lokacijama širom općine.

Table su opremljene QR kodovima koji posjetiocima omogućavaju pristup digitalnim sadržajima, uključujući informacije o lokalitetima, audio vodiče na više jezika i aktuelna dešavanja. Načelnik Općine Stari Grad Sarajevo Irfan Čengić istakao je da je riječ o jednom od niza projekata usmjerenih na razvoj turizma, te da je nastavak i proširenje projekta planirano i u narednoj godini.

„Ponosni smo što je Kanton Sarajevo u 2025. godini ponovo oborio vlastite rekorde u turizmu, uprkos svima koji su priželjkivali drugačiji ishod. Idemo u 2026. po još bolje rezultate, nove rekorde, posjete i sadržaje”, poručio je načelnik Općine Stari Grad Sarajevo Irfan Čengić.



NOVO SPORTSKO IGRALIŠTE OŠ „EDHEM MULABDIĆ“

Zahvaljujući Općini Stari Grad Sarajevo, učenici OŠ „Edhem Mulabdić“ sada imaju potpuno sanirano vanjsko sportsko igralište sa modernom tartan podlogom. Projekat je u potpunosti finansirala Općina Stari Grad Sarajevo, a riječ je o trećem sportskom igralištu koje je završeno 2025. godine, nakon igrališta u OŠ „Hamdija Kreševljaković“ i JU Zavod za specijalno obrazovanje i odgoj djece “Mjedena”. Projekat ovog igrališta dio je i međunarodne saradnje sa pobratimskom općinom Osmangazi Bursa, koju su ove godine posjetili učenici OŠ “Edhem Mulabdić”. Prije ovoga su realizovani brojni radovi na objektu ove škole: ugradnja oko 90 novih prozora, sanacija svjetlarnika koji je prokišnjavao, utopljavanje učionica i unutrašnjih prostorija, sanacija podrumskih prostorija, postavljanje novih klupica, te sanacija fasade.



Završeni projekti

ZAVRŠENI RADOVI NA SANACIJI DIJELA ULICE MOČILA

Završen su radovi na sanaciji dijela ulice Močila, u okviru projekta uspostave biciklističke staze koju realizuje delagacija Evropske unije. Sanacijom je unaprijeđena putna infrastruktura na ovom lokalitetu, ali i osigurana važna poveznica sa trasom buduće biciklističke staze Stari Grad – Pale.



NOVE MAŠINE ZA IZRADU VEZA U SREDNJOJ ŠKOLI ZA TEKSTIL, KOŽU I DIZAJN

Općina Stari Grad finansirala je nabavku nove mašine za izradu veza u Srednjoj školi za tekstil, kožu i dizajn nabavljena čime će se unaprijediti nastavni proces i omogućiti učenicima rad na najsavremenijim softverskim rješenjima iz oblasti tekstilnog dizajna.



NASTAVAK UKLANJANJA OPASNIH OBJEKATA


Općina Stari Grad Sarajevo nastavlja aktivnosti uklanjanja opasnih i dotrajalih objekata s ciljem zaštite sigurnosti građana i javne imovine. Na adresi Boguševac 63 uklanjen je izuzetno zahtjevan i dugogodišnje zapušten objekat koji je predstavljao ozbiljan rizik za okolne kuće i prolaznike. Također, uklonjeni su napušteni pomoćni objekti, garaže u ulici Edhema Mulabdića, koji su korišteni bez pravnog osnova i predstavljali opasnost za ljude, saobraćaj i okolne objekte. Ove aktivnosti dio su kontinuiranog procesa uklanjanja nelegalnih i opasnih objekata, a cilj je da se oslobođene površine vrate u prvobitno stanje i koriste u skladu s potrebama građana.

NAKON 30 GODINA ZAPUŠTENOSTI, KREĆE OBNOVA KASARNE FALETIĆI

Kasarna Faletići je već 30 godina zapuštena, pretvorena u divlju deponiju i potpuno neiskorišten potencijal. Općina Stari Grad Sarajevo je započela konkretne radove na sanaciji infrastrukture unutar kasarne, s jasnim ciljem, stvaranje zone za sport, rekreaciju i boravak u prirodi, uz istovremeni odvoz nagomilanog otpada. Uz podršku Vlade Federacije BiH trenutno se radi na sanaciji postojeće ceste unutar kasarne, gdje će biti uređena šetnica i staza za bicikliste. Ostale aktivnosti u planu su da se nastave tokom 2026. godine, a načelnik Općine Stari Grad Sarajevo Irfan Čengić je Općinskom vijeću već predložio odluku o mogućem modelu upravljanja budućom zonom sporta i rekreacije.

U TOKU RADOVI NA IZGRADNJI SPORTSKOG IGRALIŠTA OŠ „VRHBOSNA“

Počeli su radovi na izgradnji modernog sportskog igrališta u Osnovnoj školi „Vrhbosna“ na području Općine Stari Grad Sarajevo. Projekat je dio šireg programa unapređenja školskih sportskih terena, u okviru kojeg su ranije završeni tereni u OŠ „Hamdija Kreševljaković“ i Zavodu „Mjedjenica“. Načelnik Općine Stari Grad Sarajevo Irfan Čengić istakao je da je cilj Općine da svaka škola dobije savremen i siguran sportski teren, koji će služiti kako učenicima, tako i stanovnicima naselja u kojima se škole nalaze.



Općinsko vijeće



USVOJEN BUDŽET I PLANOWI ZA 2026. GODINU

U posljedna tri mjeseca Općinsko vijeće Stari Grad Sarajevo održalo je 3 redovne sjednice, na kojima su razmatrani i usvojeni brojni akti i odluke od značaja za unapređenje lokalne zajednice. Kroz konstruktivne rasprave i konkretne poteze, vijećnici su pokazali posvećenost efikasnijem upravljanju resursima, jačanju transparentnosti i pokretanju važnih infrastrukturnih i komunalnih projekata, sve s ciljem poboljšanja kvaliteta života građana.

11. SJEDNICA OPĆINSKOG VIJEĆA

Na 11. redovnoj sjednici Općinskog vijeća Stari Grad Sarajevo utvrđen je Nacrt budžeta Općine Stari Grad za 2026. godinu, čime je otvoren proces javne rasprave koja će omogućiti građanima, mjesnim zajednicama i drugim zainteresiranim subjektima da daju svoje prijedloge i sugestije. Pored toga, razmatrani su izvještaji o realizaciji Budžeta za prvih devet mjeseci 2025. godine. Načelnik Irfan Čengić, izjavio je da je Nacrt budžeta za 2026. godinu pripremljen i upućen u proceduru već u oktobru, u skladu sa zakonskim rokovima propisanim federalnim zakonodavstvom.



„Predložili smo Nacrt budžeta u iznosu od 29 miliona konvertibilnih maraka, a očekujemo da će on biti i veći prilikom prijedloga i prvog rebalansa, kada uvrstimo i prenesena sredstva. Naš prioritet ostaje očuvanje socijalnih davanja za sve kategorije građana, a nakon toga i nastavak realizacije kapitalnih projekata, poput obnove Doma oružanih snaga BiH koji je projekat od državnog interesa na teritoriji Općine, Muzeja 'Berber', vrtića 'Agan Bostandžić' i brojnih drugih projekata koji se ne bi mogli realizovati bez podrške međunarodnih partnera i viših nivoa vlasti“, istakao je načelnik Čengić.



12. SJEDNICA OPĆINSKOG VIJEĆA

U Općini Stari Grad Sarajevo održana je 12. redovna sjednica Općinskog vijeća, a vijećnici su razmatrali niz tačaka iz nadležnosti više općinskih službi.

Na sjednici je usvojeno rješenje o izmjenama u sastavu Komisije za poslovne prostore, a razmatrane su i odluke i zaključci koji se odnose na dodjelu i prenos prava zakupa poslovnih prostora na više lokacija u Starom Gradu. Vijećnici su razmotrili i informaciju o neposrednim dodjelama prostora po osnovu izmirenja dugovanja ranijih zakupoprimaca, kao i o iznosima naplaćenim kroz sudske postupke u 2024. i 2025. godini. Svi razmatrani materijali dobili su podršku vijećnika, čime je sjednica završena uz dio predviđen za pitanja i inicijative.

13. SJEDNICA OPĆINSKOG VIJEĆA

Na 13. redovnoj sjednici Općinskog vijeća Stari Grad Sarajevo usvojen je Budžet Općine Stari Grad Sarajevo za 2026. godinu, kao i niz važnih odluka iz obimnog dnevnog reda.

Tim povodom, načelnik Općine Stari Grad Sarajevo, Irfan Čengić, izjavio je:

„Usvojili smo budžet i planove za 2026. godinu, izvještaj za ovu godinu, te desetine drugih tačaka na sjednici Općinskog vijeća. Radno završavamo ovu godinu i radno ulazimo u narednu. Uz sve udarce koje smo pretrpjeli, i sve male i velike pobjede koje smo ostvarili još jednom se pokazalo da je rad jači od destrukcije, a konkretna djela od praznih priča.“

Predsjedavajući Općinskog vijeća Seid Škaljić naglasio je da je ovom sjednicom Općinskog vijeća zaključena jedna vrlo uspješna i produktivna radna godina.

“Danas sa preko 50 tačaka dnevnog reda, usvojenim Budžetom za 2026. godinu, projektima i planovima ulazimo pripremljeni u Novu godinu. Općinsko vijeće Stari Grad Sarajevo je još jednom dokazalo da je rad za građane i razvoj lokalne zajednice prioritet”, poručio je predsjedavajući.



Podrška



NOVI NOVČANI PODSTICAJI POLJOPRIVREDNICIMA

Općina Stari Grad Sarajevo nastavila je i u 2025. godini podršku lokalnim poljoprivrednicima kroz dodjelu novčanih podsticaja. Danas su uručena rješenja korisnicima programa podsticaja za razvoj animalne proizvodnje i sufinansiranje nabavke poljoprivredne mehanizacije, uz prisustvo načelnika Irfana Čengića i dopredsjedavajućeg Općinskog vijeća Kerima Smailbegovića.

Program obuhvata više modela podrške, uključujući animalnu i biljnu proizvodnju, nabavku stočne hrane, opreme i mehanizacije. Za ove namjene Općina je izdvojila gotovo 200.000 KM, s ciljem jačanja poljoprivrednih gazdinstava, modernizacije proizvodnje i očuvanja stočnog fonda.

ISPLATA NOVČANE POMOĆI ZA OGRJEV

U Općini Stari Grad Sarajevo danas su uručene obavijesti o odobrenju jednodne novčane pomoći za obezbjeđenje ogrjeva za 2025. godinu, namijenjene građanima u stanju socijalne potrebe. Na javni poziv prijavilo se 350 domaćinstava, a pravo na pomoć ostvarilo je 291 domaćinstvo.

Načelnik Općine Stari Grad Sarajevo Irfan Čengić istakao je da se pomoć dodjeljuje isključivo na osnovu jasno definisanih i transparentnih kriterija, naglašavajući da Općina kontinuirano provodi mjere socijalne podrške s ciljem ublažavanja životnih troškova najugroženijih kategorija stanovništva.



NASTAVAK PODRŠKE MLADIM SPORTISTIMA U STAROM GRADU

Općina Stari Grad Sarajevo nastavlja pružati podršku mladim sportistima s područja općine. Načelnik Irfan Čengić, predsjedavajući Općinskog vijeća Seid Škaljić i dopredsjedavajući Kerim Smailbegović ugostili su sportiste povodom potpisivanja ugovora o sufinansiranju troškova takmičenja i nastupa na međunarodnim i balkanskim prvenstvima.

Finansijsku podršku dobili su mladi talenti iz karatea, kick-boksa, džudoa i umjetničkog rolanja, među kojima su Kaja Topić, Aisa Čizmo, Sanjin Alihodžić, Nidal i Danin Bećar te Faruk Kadrić.

KREATIVNOST TREĆE ŽIVOTNE DOBI UZ PODRŠKU OPĆINE STARI GRAD

Načelnik Općine Stari Grad Sarajevo Irfan Čengić i predsjedavajući Općinskog vijeća Seid Škaljić prisustvovali su izložbeno-prodajnom bazaru „Vrijedne ruke zajednice“, na kojem su predstavljeni rad, talenat i kreativnost osoba treće životne dobi. Bazar je održan u novom prostoru Centra za zdravo starenje „Generacija“, koji je postao važno okupljalište za druženje i kvalitetno provođenje slobodnog vremena.



NASTAVLJENA REFUNDACIJA DIJELA TROŠKOVA VOZAČKOG ISPITA

Općina Stari Grad Sarajevo nastavila je realizaciju programa refundacije dijela troškova za polaganje vozačkog ispita „B“ kategorije, namijenjenog mladima s područja općine. Ugovore o refundaciji potpisala 21 mlada osoba, uz prisustvo općinskog načelnika Irfana Čengića i predstavnika Općinskog vijeća.



Mladi i sport



KAJA TOPIĆ – PERSPEKTIVNA KARATISTKINJA IZ STAROG GRADA

Kaja Topić, rođena 16. februara 2007. godine u Sarajevu, učenica je četvrtog razreda Srednje medicinske škole „Katolički školski centar Sveti Josip“, smjer Fizioterapeut, i istaknuti je sportista. Karateom se bavi već 13 godina, a trenutno je član Karate kluba „Okinawa“ i stalni član Karate reprezentacije Bosne i Hercegovine (U21, borbe).

”

Karate je moj život već trinaest godina. Svaki trening, svako takmičenje i svaka medalja su me učili disciplini, upornosti i timskom duhu. Ponosna sam što predstavljam Bosnu i Hercegovinu i što mogu da pokažem svoju strast prema sportu. Moja ambicija je da nastavim usavršavanje u karateu, da doprinosim razvoju ovog sporta kao trener, a u budućnosti i kroz svoj rad kao fizioterapeut.

“

POSVEĆENOST, DISCIPLINA I MEĐUNARODNA PRIZNANJA

Tokom svoje karijere Kaja je osvojila brojne medalje na državnim i međunarodnim takmičenjima, uključujući viceprvakinju Balkana u borbama U21 (2024.) i plasman na prestižnim turnirima u Poreču, Rijeci i Sarajevu. U posljednje dvije godine zabilježila je niz vrhunskih rezultata na državnim i kantonalnim prvenstvima, potvrdivši status perspektivne sportistkinje. Učestvovala je na brojnim međunarodnim i državnim takmičenjima, u Bosni i Hercegovini i inostranstvu (Austrija, Poljska, Hrvatska, Slovačka, Crna Gora, Srbija, Finska, Kipar, Gruzija, Španija, Italija). Posjeduje licencu trenera karatea, zvanje Majstor karatea (Crni pojas 2. Dan) i planira nastaviti takmičarsku karijeru, te doprinositi razvoju karatea u BiH i kao trener.





FK SARAJEVO OSVAJAČ 33. MALONOGOMETNOG TURNIRA „ASIM FERHATOVIĆ HASE“

U maloj dvorani KSC Skenderija održan je 33. memorijalni futsal turnir „Asim Ferhatović Hase“, jedan od najznačajnijih sportskih događaja posvećenih očuvanju sjećanja na legendarnog napadača FK Sarajevo i velikana bosanskohercegovačkog fudbala. Skenderija je i ove godine bila mjesto susreta fudbalskih legendi, sportskih radnika i brojnih ljubitelja fudbala, a turnir je još jednom opravdao epitet „Hasetovog klasika“. Na parketu su nastupile ekipe sastavljene od nekadašnjih asova bh. i regionalnog fudbala. Općina Stari Grad Sarajevo bila je jedan od pokrovitelja turnira, a načelniku Irfanu Čengiću pripala je čast da uruči pobjednički trofej.



PREDSTAVLJENA SARADNJA ŠKOLE FUDBALA CITY ACADEMY, FK CITY I KOMPANIJE PFHSC

U Općini Stari Grad Sarajevo održana je zvanična prezentacija saradnje između Škole fudbala City Academy, FK City i kompanije PFHSC. Događaj je organizovan s ciljem unapređenja sportskog razvoja djece i mladih, kao i podizanja kvaliteta rada u omladinskom sportu. Događaju je uveličao prisustvao načelnik Općine Stari Grad Sarajevo Irfana Čengića, koji je dao podršku ovom projektu.

“Kao općina, pored vrhunskog sporta, snažno podržavamo školski sport i bavljenje djece sportom. City Academy nam je važan partner u ponovo pokrenutoj ligi osnovnih škola u fudbalu i na toj saradnji smo iskreno zahvalni. Istovremeno, ulažemo u obnovu svih sportskih terena u školama, gradimo sportsku dvoranu i radimo na pripremi dokumentacije za nove fudbalske terene, jer vjerujemo da je ulaganje u sport ulaganje u zdravu i sigurnu budućnost naše djece”, naglasio je načelnik Čengić.



OBJAVLJENI JAVNI POZIVI IZ OBLASTI SOCIJALNE POLITIKE

U prvoj radnoj sedmici nove godine Općina Stari Grad Sarajevo, u skladu s dugogodišnjom praksom i jasno definisanim prioritetima, objavila je javne pozive iz oblasti socijalne politike.

Briga o osobama u stanju socijalne potrebe, očuvanje ljudskog dostojanstva i osiguravanje jednakog i pravičnog pristupa pravima predstavljaju temelj socijalnih politika koje Općina Stari Grad Sarajevo kontinuirano razvija i provodi.



BROJNI PROGRAMI POMOĆI

Tokom prethodnog perioda realizovani su brojni programi pomoći, među kojima su: jednokratne novčane pomoći za liječenje u BiH, jednokratne socijalne pomoći licima u stanju socijalne potrebe, pomoći oboljelima od celijakije, podrška djeci s hroničnim oboljenjima i poteškoćama u razvoju, sufinansiranje medicinski potpomognute oplodnje, novčane naknade porodiljama, obezbjeđenje ogrijeva i sanacija stambenih objekata za socijalno ugrožene, dodjela i renoviranje stanova za boračku populaciju, podrška narodnim kuhinjama i restoranu dobre volje, sufinansiranje školskih potreba za socijalno ugroženu djecu, dječiji dodatak, pomoć za novorođenčad, podrška nezaposlenim porodiljama, podrška energetski siromašnim domaćinstvima uz pomoć Evropske unije, borački dodaci, zdravstvena zaštita i podrška civilnim žrtvama rata.

Početakom januara 2026. godine objavljeni su sljedeći javni pozivi:

- Javni poziv za dodjelu jednokratne novčane pomoći za troškove liječenja u BiH
- Javni poziv za dodjelu jednokratne socijalne pomoći licima u stanju socijalne potrebe
- Javni poziv za dodjelu jednokratne pomoći oboljelima od celijakije
- Javni poziv za dodjelu jednokratne pomoći djeci s hroničnim oboljenjima i poteškoćama u razvoju
- Javni poziv za sufinansiranje troškova medicinski potpomognute oplodnje

Svi javni pozivi dostupni su na zvaničnoj web stranici Općine Stari Grad Sarajevo



OTKRIVANJE CVIJETA SREBRENICE U UN-U, PRIJEMI I SASTANCI U CONNECTICUTU I NEW YORKU

Delegacija Općine Stari Grad Sarajevo, predvođena načelnikom Irfanom Čengićem, boravila je u službenoj posjeti Sjedinjenim Američkim Državama, tokom koje su održani brojni važni sastanci i susreti sa zvaničnicima, organizacijama, bh. dijasporom i partnerskim institucijama.

TRAJNO POSTAVLJANJE CVIJETA SREBRENICE U UN-U

U sjedištu Ujedinjenih nacija u New Yorku trajno je postavljen Cvijet Srebrenice, međunarodni simbol sjećanja na žrtve genocida. Općina Stari Grad bila je jedan od pokrovitelja ovog značajnog događaja. Ovaj historijski čin predstavlja potvrdu važnosti Rezolucije o genocidu u Srebrenici, usvojene ranije ove godine u Generalnoj skupštini UN-a.



Protokol i saradnja

UČEŠĆE NA PRIJEMIMA POVODOM DANA DRŽAVNOSTI BOSNE I HERCEGOVINE

Načelnik Čengić je, zajedno s predsjedavajućim Predsjedništva BiH Željkom Komšićem, govorio na prijemu povodom Dana državnosti Bosne i Hercegovine u saveznoj državi Connecticut, gdje je predstavio rezultate i aktivnosti Općine Stari Grad, te otvorio prostor za nove oblike saradnje s institucijama i bh. zajednicom. Delegacija Općine učestvovala je i na centralnom prijemu povodom Dana državnosti BiH u sjedištu Ujedinjenih nacija, organizovanom na poziv člana Predsjedništva dr. Denisa Bećirovića.



POSJETA WETHERSFIELDU I RAZGOVORI O BRATIMLJENJU

Na poziv bh. dijaspore organizirana je posjeta gradu Wethersfield u Connecticutu, jednom od najstarijih naselja u SAD-u. Tokom sastanka s lokalnim predstavnicima razgovarano je o pokretanju posebnih oblika saradnje između Općine Stari Grad Sarajevo i grada Wethersfield, uključujući i inicijativu za potencijalno bratimljenje dvije lokalne zajednice.



SASTANAK SA CLINTON FONDACIJOM

Tokom posjete New Yorku održan je sastanak sa predstavnicima Clinton fondacije, gdje su razmatrani projekti koji doprinose osnaživanju mladih, društvenoj inkluziji i razvoju lokalnih zajednica kroz edukaciju i aktivno učešće mladih. Razgovarano je o mogućnostima zajedničkih inicijativa koje bi bile realizirane u Starom Gradu.



SUSRET SA BH. ZAJEDNICOM U NEW YORKU

Načelnik Čengić održao je govor i prisustvovao druženju u Bosansko-Hercegovačkom Islamskom Centru u New Yorku, gdje je razgovarano o jačanju veza između domovine i dijaspore, kao i o uključivanju bh. zajednice u programe saradnje, razmjene i projekata Općine Stari Grad.



SASTANAK S PREDSTAVNICIMA UNDP-A U NEW YORKU

Načelnik Općine Stari Grad Sarajevo Irfan Čengić tokom službene posjete New Yorku sastao se sa predstavnicima Razvojnog programa Ujedinjenih nacija (UNDP) u njihovom sjedištu. Na sastanku je razgovarano o Agendi 2030, kao i o projektima u Bosni i Hercegovini i Općini Stari Grad Sarajevo koji se zajednički realizuju u saradnji s Uredom UNDP-a u Sarajevu.



Protokol i saradnja



MARKO KOF'S MEETUP U SARAJEVU – DAN PUN ZABAVE I SIGURNOG INTERNETA

U Sarajevu je održan poseban meetup sa Markom Kofsom, namijenjen djeci i mladima, posvećen sigurnom internetu i kvalitetnom druženju.

Marko Kofs je popularni hrvatski YouTuber i internet kreator, najpoznatiji po svom gaming sadržaju, posebno vezanom uz igre poput Minecrafta i drugim zabavnim video serijalima koje objavljuje na svom kanalu KingsOfFailsShow.

Kroz interaktivnu radionicu, učesnici su imali priliku naučiti kako se sigurno snalaziti na internetu, prepoznati potencijalne opasnosti i odgovorno koristiti online sadržaje dok se igraju, istražuju i komuniciraju online.

U STAROM GRADU OTVORENA IZLOŽBA POSVEĆENA HALIDU BEŠLIĆU

U bašti hotela Europa, u samom srcu Starog Grada i Sarajeva, održana je multimedijalna izložba posvećena Halidu Bešliću, jednom od najvoljenijih i najutjecajnijih umjetnika bosanskohercegovačke i regionalne muzičke scene.



POSJETA VRHBOSANSKOJ NADBISKUPIJI I FRANJEVAČKOM SAMOSTANU POVODOM BOŽIĆA

Načelnik Općine Stari Grad, Irfan Čengić, zajedno sa predsjedavajućim Općinskog vijeća, Seidom Škaljićem, ministrom za rad, socijalnu politiku, raseljena lica i izbjeglice Kantona Sarajevo, Endom Pavić Pečenović i vijećnikom Općinskog vijeća Željkom Lerom, povodom božićnih praznika posjetio je Vrhbosanskog nadbiskupa mons. Tomu Vukšića i gvardijana Franjevačkog samostana i crkve sv. Ante u Sarajevu fra Stipana Radića. Svim vjernicima katoličke vjeroispovijesti čestitali su Božić, ističući važnost međusobnog uvažavanja i razumijevanja među različitim kulturama i vjerskim zajednicama koje čine Stari Grad.



OPROŠTAJNI SUSRET U ZNAKU TRAJNE PODRŠKE PALESTINSKOM NARODU

U prostoru Palestinske zajednice u Bosni i Hercegovini, u Starom Gradu, održan je oproštajni sastanak Nj.E. Rezeqa N. M. Namooore, ambasadora Države Palestine u Bosni i Hercegovini, s načelnikom Općine Stari Grad Sarajevo Irfanom Čengićem i zamjenikom predsjedavajućeg Općinskog vijeća Stari Grad Sarajevo Vedadom Deljkovićem. Susret je održan u prostoru Palestinske zajednice, otvorenom u Starom Gradu početkom prošle godine, i mjestu koje simbolizira solidarnost, istinu i prijateljstvo između dva naroda.



OBILJEŽAVANJE DANA DRŽAVNOSTI BIH

Delegacija Općine Stari Grad Sarajevo, predvođena načelnikom Irfanom Čengićem, obilježila je 25. novembar – Dan državnosti Bosne i Hercegovine, posjetom značajnim lokacijama u Sarajevu i polaganjem cvijeća. Obilježavanje je započelo svečanim činom podizanja zastave Bosne i Hercegovine na brdu Hum, kojem su prisustvovali predstavnici različitih nivoa vlasti te brojni građani.

